

四庫全書

史部



欽定四庫全書

史部

平定金川方略卷

三十至  
三十二

詳校官編修臣曹振鏞

編修臣裴謙覆勘

總校官知縣臣繆琪

校對官編修臣于鼎

謄錄監生臣張友柏



欽定四庫全書

平定金川方略卷三十

藝文

平定金川詩

監

察

御

史

臣

錢

琦

聖德符元化萬類甄陶一時維泰運隆瑞協師貞吉

金川爾小醜胡為教不率方其跳躍時頗自逞

馳突神武



帝不矜我衆實所恤長策運

廟謨干城寄良弼是時霜風寒肌膚增慄慄况聞疆  
外險蜀道難縷述劍閣山嵯峨錦江波蕩潏千  
盤入杳冥九折愈紆鬱寧堪士馬喧或慮巔崖  
滑上相秉忠誠蓄銳獨勇決生逢

堯舜君許身比禹契方奏凌烟勲忍耽終朝逸號令  
既嚴明刁斗亦森密劒戟奔衝牙纛互坌拂  
輪輓雜薪芻踴躍鼓士卒或為五營連或為七



校發或盤鵬鶚行或挾雷霆出八千餘里路有  
若風捲疾將軍從天下神速真咄咄先聲實奪  
人不戰兵已屈嗟哉獸之窮依人搖尾乞昔為  
桑中鶚今為網中鵒昔為蛙躍井今為鼠拱穴  
約法章倍三來格旬未七

聖人覆載恩詎肯遺小物顧惟螻蟻輩寧足污我鉞  
詔下許班師滿路和風拂鞭敲垂柳新戈偃草芽茁  
懽聲雜鼓鐃兵氣淨林樾何以策元勲五等崇



集賢堂詩  
卷三十一  
華秩何以換征袍七章披繡紱喜起賡明良光  
華爛雲日其餘小大從一一

恩波溢上以慰

慈寧下以安良質小雅賦彤弓

奎文炳石碣和氣洽神人海宇永寧謐

萬歲拜呼嵩五雲春暖闕

微臣

效鼓吹霖雨媿鴻筆



平定金川詩

有序

通政使司 叅議

臣薄海

臣聞漢代有鐃歌鼓吹之辭唐家作七德九功之舞凡以紀大猷揚駿烈也比者金川土酋不馴拒我討捕

皇上沉機內斷戡亂興師

特命閣臣傳恆經略其事馳銳攻堅振疾風而掃秋穽受降釋縛灑甘露以活釜鱗洪惟



廟算高深遠人歎服仰企元勲忠蓋

帝德敷宣

臣職忝龍作納言之後列謹虎拜稽首以

陳詞其詩曰

武緯文經

聖化周

熙朝萬國總懷柔無端小醜跳荒裔有

詔元臣下益州籌策親承

瑤殿上旌麾遙指竿關頭即看授鉞



臨軒日已卜斯行展壯猷

騰驤士馬氣如虹聚米山川在掌中綏靖遠方

酬

倚畀肅清徼服仗公忠鈎梯舞處鷗巢破羽黨除  
時龜技窮竄伏乞降猶未允誓將深入奏膚功  
八日飛書達

禁林特容歸歛見

天心蠻人悔罪三薰沐丞相神威七縱擒竇曲渝歌



懽

解網花鬢弁服頌辭金六師往返無多候早暢

皇風遠邇欽

策勲飲至正春和諸將元功爵賞多

神武蘭臺編卓越

奎文璧沼勒嵯峨肅申禋祀馳

仙仗佇荷嘉祿錫玉禾從此豐熙縣億載白狼朱

鷺永登歌



平定金川詩

修

撰

臣  
金  
甦

帝持泰阿柄

威德萬方服蠢爾金川酋  
狡焉逞豕突小醜何足誅  
煽亂不可釋專閫任誠重  
應機須早決籌策故紆回  
養癰計已拙維

皇思敵愾

清禁慎謀帥



國家親重臣忠勇誰第一臣恒仰

成算日夜圖展竭克簡

至尊心禍牙

親授鉞太白高揚光深入敢戰吉天兵莽雲合飛翰

不以疾上將更星馳奮身先士卒束馬陟厓巔

裹羶薦山足英風振剛氣積石欲摧裂外寇佇

披攘內奸先剔抉雄狐及北雞駢首服軍律鬼

蜮始騷除豺狼爭喙息申威旋督戰鉞進乘膽



破昔嶺挫兇鋒巴郎克堅壁盡徵諸道會共決  
擣巢策不須九曲穿直以萬鈞壓釜底沸湯煎  
穴中窮鼠泣哀籲繞軍門令嚴如截鐵投生苦  
無地束手待榼鎖

皇心運金鏡萬里洞毫髮捷書初報聞羅網計難脫  
聿開自新路期以息征役慮勝在機先神妙應  
呼吸仰惟

天覆恩用戒火炎烈承



制赦其人納降斯得活歡聲倏雷動生死肉白骨扶  
服望壇拜六事誓不越獻賁到金人上供如供  
佛銜鉤出重淵霜刃竟不削永懷明珠報何敢  
妄撥刺是時天清明光景頓軒豁兵前草木風  
陽和普噓拂稜威月蝕震融樂雪山液

廟略既遐宣蠻荒遂寧謐銅梁卷征旆

金闕望歸轡勾當公事還從容

閣門謁單騎見汾陽七擒服諸葛偉績如古云



欽襄聞制曰桓圭五等崇豹尾雙竿揭出師無留行  
第賞不踰月從戎皆拜

恩勤事並蒙卹嘉勞紀功級蘓困賜蠲復策勲還飲  
至尊俎喜洋溢

彤墀肅班賀卿喬浮

哀敲庶幾

宵旰寬樂愷見

玉色是用告成功



地

天中仰答神祇通肝蠻三極統明察羽衛首征塗  
珠丘薦芬苾顧歆

九廟靈中錫萬年福

慈寧垂懿訓啓迪荷明悉歸善晉

徽稱奉觴上

寶冊

孝治表尊親暴亂永不作



駿業紹

前光兵事為後法雲漢炳

天章穹碑鰲負屹文經武則緯在泮禮惟協側想事  
之殷洎乎伐已卒輿論或然疑

宸衷期必拔武師方席卷遽止乘墉克陰陽互開闔  
威惠兩不測

睿知如轉規動與事機合

日月遠臨照震電捷轟掣霍然掃妖氛膏降醴仍出



乾坤自清泰太虛本無物乃知天合符

神武信不殺邊徼長敕寧中區增富實聲靈時一振  
姦宄絕萌茁止戈乃全勝武德實兼七六字慶  
軒襲千秋煥鐫勒作誦記其詳臣職忝史筆



平定金川詩

有序

編

修

臣

楊述曾

皇帝受

天休命四方萬國罔內罔外悉臣悉庭惟茲金川弗率

歷二年所

皇帝曰相臣恒汝忠誠勇武克圖我救寧茲畀汝經  
略印率虎賁士徂征冬十一月癸丑

禡纛長安左門外



皇帝親御武帳酌相臣酒寵以上駟雕戈金節倍道  
星馳十二月辛丑至軍戮漏師巨惡討軍實而  
中倣之進攻昔嶺再擊巴郎以巨礮摧其堅礪  
首窮蹙乞命相臣弗許督戰愈力

皇上特下寬宥之詔二月癸未首面縛軍門相臣升  
壇奉

皇上命赦其罪具道

皇上聰明睿知神武不殺首感激俯地矢以六事永



不敢渝金川平相臣奏凱還京師道封忠勇公  
加殊錫

皇帝行告成禮

親灑宸翰立碑太學昭示來茲蓋自相臣蒞軍洎於  
受降僅四十日有奇兵不血刃凶頑歸命皆由  
我

聖天子睿算神謨亦惟賢相臣一德一心克成駿烈  
臣忝侍從末職在文字允宜鋪張揚厲垂之無



窮謹撰

明良綏遠詩一章拜手稽首以獻其辭曰

聖皇建極丕冒九宇靡遠不柔靡德不普蠢茲金川  
在瀘之溪雪山巉巉繩橋鬢鬢有軋於鄰匪婚  
伊寇師薄其疆獸挺而走屹彼崇礪乃穴乃巢  
伺間竊發有敗遁逃哀鞠頑凶負嵎自固曠誅

二載

帝殷西顧乃咨相臣汝子良弼忠勇懋昭與予一德



董我六師肅將天討迪彼昏嚚靖我西徼相臣

受

命再拜稽首既禡既類吉日惟丑雲旗星罕

天子餞之玉笋是斟飛黃載馳桓桓禁旅如貔如虎

從我相臣以務烈所天射之巔危巒連延鑿冰

為磴束馬而前相臣蒞止師貞以律首戮巨憝

曰良爾吉陰謀我圖惟賊攸恃厥辜既伏首魄

先褫爰拔我勇爰選我良或搯其脅或扼其吭



如雷斯鉤如電斯掣賊不能支乞命假息相臣  
烈烈欲集我旅擣其中堅刮耳之螭

皇帝曰吁止戈為武有逆則誅有順則撫普天之下  
疇非赤子悔罪來歸受之而已春風始和

玉書初下首衆偃僂厥角來迓高壇列幕香烟若雲  
相臣是升導揚

王綸謂爾羣醜自干大戾爾革爾頑我貫爾罪爾孥  
我全爾支我屬厚地高天爾生爾育首先震悚



聆言蹈舞

帝恩我天我冒我怙我有微忱奉琛以將六條凜凜  
永矢勿忘在昔有虞苗頑弗率干羽兩階七旬  
來格我師之出日初南陸迄我受降春蕘未綠  
役不踰時綏懷萬里媿德重華後先一揆我車  
彭彭我旆英英鐃鐃騎吹來旋上京

帝曰休哉

天



祖所佑殷薦告虔以篤我祜恭惟

聖母慈訓諄諄

徽稱既奉孝思用伸乃

詔相臣予嘉乃績豹尾龍章桓圭載錫穹碑矗立  
之太學炳炳麟麟

天文昭燦圓臚方趾黃童白叟軒舞懽呼頌

皇仁武惟

皇之武天造神斷相臣宣之風行雷奮惟



皇之仁乾覆坤載相臣承之露漦雨霈

明良交慶綢繆太和小臣作詩以賡虞歌



欽定四庫全書



司馬金川先生  
卷三十



平定金川詩

編

修

臣  
張若需

文思端拱授雄韜上相專征擁節旄不待總師窮峭  
嶠已看因壘脫弓刀疆恢駝丹春風遠兵洗巴

渝雪浪高

步輦晨趨親送喜

慈寧先慰

聖心勞



王師如漢復如江昔嶺窮酋比吠龙震疊

皇威期掃穴包涵

帝德在安邦

玉音天上催旋旅金佛營門恰受降六事歸誠申九

伐

宏仁盛烈古無雙

軍書三捷掣朱縑偉略堂堂邁玉鈴捷伐共欽

天子武純忠早協大人占元戎勲紀旂常重五等榮



膺袞錫魚宴錫彤弓開邸第從容羹鼎待調鹽  
紫宸佳氣滿觚稜

渙號頻頒慶典仍天地好生成合撰

明良交泰應休徵櫻桃及薦

神靈喜楊柳來歸士馬騰氛祲全消寰海晏萬年歌舞

樂升恒







平定金川詩

七言律四首

編

修

臣  
林蒲封

露布星馳奏

紫宸歡聲萬里靖邊塵  
長驅共識軍威盛  
獨斷還驚廟算神  
商網豈惟開一面  
虞階何待舞三旬  
由來天討原無戰  
荒裔同歸

情載仁

檻底窮猿莽自驕  
致煩



授鉞出

天朝三驅直壓吳曦壘七縱重過孟獲橋梟獍已摧  
餘孽定攬槍迅掃宿氛消邛峽山雪經行處喜  
見春風折柳條

鳴笳疊鼓下沈黎上相星明紫氣齊十二天閑  
馳絕徼三千組練護沙隄降城遠築靈關外銅  
柱高標大渡西從此金川洗兵甲麒麟閣上煥  
新題



金城何事策屯邊赫濯

皇威暢八埏九譯山川歸禹服百蠻歌舞戴

堯天雲中

鳳綵銜春下閩外龍韜唱凱旋珥筆願將銑吹譜賡

颺長頌太平年







平定金川詩

編

修

臣  
湯大紳

皇上御極十四年

聖德廣運怙八埏東漸西被訖聲教

闕廷王會來罕仟金川酋長既內附遜居昔嶺儕

獯狁鄰封構釁患一逞蜂屯螳鬪驚狼煙

國家用武邁前古矧茲小醜喘敢延二三臣工弗

和協致老徒旅靡金錢



九重西顧赫斯怒與神為謀出萬全致

天之罰聲有罪惟汝元輔其仔肩陳師鞠旅授

方略並

賜節斧輝簡編元輔對揚拜稽首敢不夙夜惟虔虔  
君言不宿趣就道風馳錦鞶飛銀韉忠誠激發薄霄

漢徒御整暇彌川原緹幽緣險飽冰雪尅期誓

衆期寧愆相度形勢布行陣前茅後勁中中權

燕犀冀馬並良產貫頤戟手紛桓桓胸藏甲兵



躬介曹奮勇輒為將士先指揮悉與

睿謨合號令更挾

皇威宣急擒同惡殺無赦北難狡兔就戮駢金曾聞  
風膽先破奇兵况復攻其堅碉樓戢戢插雲表  
當關重閉安如磐轟雷掣電倏摧倒粗砂碎石  
颺山巔是時我軍威震疊旆旌所向洵無前長  
驅采入孰齟齬滅此朝食奚難焉哉

皇睿慮豫籌策鯨鯢赤子心惻然覆幬持載罔不育



赦書密下飛郵傳金酋窮蹙計無復析骸易子絕可

憐跼天踏地自悔罪宵晨引領喬雲端十行

詔許順而撫譬烏得木魚游淵蛇行匍匐厥角環

顧笑語聲徒譚獻琛設誓瀝肝肺永靖蠻觸棲

窮邊實猛相戒弗騷動各保婦穉全胼胝有不

吾信悔何及盍亦視我擎降幡元輔登壇布

威德春風溫燠秋霜寒我

皇神武不嗜殺未折一矢絕一弦七旬未屈有苗格



六師諏吉其言旋書成露布告大捷九衢門啓

夜未闌

至尊開函動顏色入奏

長樂為加餐稟承

慈訓握勝算奉上

尊號臣民懽牽牲奠璧修秩祀功歸于

祖德讓

天獻功在泮有述作



宸章煥爛騰奎躍三四典謨叶雅頌平淮西碑不數

韓如拳大字鐫琬琰用垂萬祀永不刊策勲進

爵稽古制道封晉國開河山繡衣華袞示

殊錫雙竿豹尾隨青鬃

聖朝信賞賞必當勛爾有位勤其官遂開

明堂康至治

主上明聖元輔賢并包畜養徧中外遵

王之道歌平平梯航山海納職貢自今伊始萬有千



小臣職司忝記載才識謏陋筆力綿吮毫濡墨  
惟紀實愧乏元和聖德篇



[illegible]



平定金川詩

七言律六首

編

修

臣

蔣元益

駿烈神謨裕

聖衷元臣仗節總元戎運籌自具安邊策因壘還期

不戰功雪鎧霜戈輝曉日牙旗玉帳展雄風

天威震疊聲靈遠捷伐

鴻猷指顧中

桓桓翼虎衛中軍上將專征



睿慮分鼓舞六師忘雨雪指麾八陣起風雲惟紆諸  
葛平蠻略漫草相如諭蜀文吉語早知聞五日  
頻頒

寵命策殊勲

十行

丹詔下雲霄湯網宏開

大德昭穴蟻驚魂寧復鬪釜魚餘息詎能跳壺漿夾

路迎王旅琛賁盈廷獻



聖朝遙想降旂森  
監處一時羅拜漢嫖姚

闐闐振旅凱歌陳  
楊柳人歸正及春  
烽火燄消  
花似錦邊隅塵淨  
月如銀戎車周室書三捷  
干羽虞廷紀七旬  
物力不勞民氣樂  
普天率土頌

皇仁

威行萬里寄鴈揚  
聲教何曾阻一方  
邛笮峰高  
驚草木牂牁波靜  
肅風霜已看兵氣銷  
金虎更  
奏詩篇詠白狼



帝德光天臨照廣從今尉候遍要荒

受降獻捷武功成歡洽萬呼

萬歲聲

廟算不矜除小醜

天顏有喜為羣生寰區一氣歸仁壽河漢千秋洗甲

兵載筆

小臣

逢盛際詠歌蹈舞慶昇平



平定金川詩

五言排律三十六韻

編

修

臣  
鈕汝騏

聖治恢無外

皇仁樂並生  
聲靈通絕徼  
斧鉞下

神京

大德宏胞與  
么麼敢抗衡  
穴如螻螳  
闔國比觸蠻  
爭

天討原無戰

王師自有征  
分猷虔後甲



命將叶先庚經緯推元老旬宣選上卿機宜傳箭授

進止畫沙明

廟算包三略邊籌統七兵星馳惟夙吉雷厲不留行

蛇虎看擒縱風雲妙合併六千君子隊十二羽

林營師以和能克功惟斷乃成投鞭瀘水斷積

甲石礪平士氣崇朝奮蠻氛匝月清指麾搜兔

窟談笑靖疆圉立地蟲沙化看山草木驚摧堅

三矢定拉朽半槍橫昧雉逃林雉窮猿抱樹鳴



巴郎晨撤壘昔嶺夜披荆陸地羊千足軍門酒  
百盛萬金求鑄像六事懇輸誠不殺由

神武遺生託父兄視師冬欲暮納欵月初正是日諸  
天朗和風萬里晴丹旆騰喜氣華夏合歡聲免  
胄泥中見銜刀馬首迎樂傳兜勒曲壇是受降  
城喻蜀辭無費平淮雅載賡

勲華方事業郭李想功名往躡窮邊雪歸聽

上苑鶯策勲崇五等殊禮接雙旌涉險資為楫調



元待作羹敷天安夜析率土樂春耕

錫宴開三殿觀碑溢二黷止戈昭

聖武萬載仰

皇情



平定金川詩

七言律六首

編

修

臣  
張紹渠

暖律吹噓二月春  
捷書頻報靜邊塵

王師指顧應無敵  
上將籌謀自有神  
錦繡河山綿帶

礪丹青臺閣繪麒麟  
承平共慶韜戈日  
浩蕩

恩波及遠人

窮荒異類見雕題  
跋扈強梁劍閣西  
鳥道盤空

通雪嶺龍韜決策奮  
雲梯旗照耀迷星斗  
壁壘



精嚴振鼓聲自是奇兵多設險長驅萬里掃鯨

鯢

熊羆戰士枕戈鋌

廟算如神出萬全早隸烏蠻歸版宇重輝白帝真山

川

金鑾詔旨傳三殿銅柱勲名鎮九邊

聖德包蒙頻肆赦橐弓戢矢憶當年

雪霽岷峨曙色開將軍新築受降臺當關已著



安邊策推轂還資破虜材

詔出分明懸日月師行迅疾效風雷  
蠶叢莫謂憑天險虎騎龍驤捲地來

聞道西征奏凱還  
鐃歌鼓吹動

天顏瘴烟夜靜已江水  
兵氣晴消玉壘山  
萬騎流星傳羽檄  
六軍解甲唱刀鐃  
月明古戍無烽火  
碧草春深戰馬閒

侍從



丹墀曉日紅

太平天子策元戎七旬苗格敷

文德八陣圖開振

武功驛路穠花迴玉勒闌門細柳映琱弓還銷金

甲資農器

盛世桑麻雨露通



平定金川詩

七言排律三十韻

編

修

臣王楷

哲后膺符綏萬邦  
禮陶樂淑總敦龐  
何來小寇跳跚節  
嶺遂使傳烽及錦江  
竹弩石弧資跋扈  
嵐烟瘴雨長  
愚蠢侵他隣  
部含沙域擾我邊陲  
吠影龍爰震

皇威彰斧鉞  
聿咨元弼領麾幢  
騰驤

特賜飛龍廐  
方略親承朱鳥牕  
軍選禁廂先類禡  
芻



連岷蜀峙崆峒渡瀘定卜能擒孟減竈寧須暗  
勝龐鼓角森嚴鳴地軸鉤梯盤曲度雲砭肅清  
遠服除滋蔓迅掃蠻氛息聚蠅萬里登壇排鐵  
騎中宵草檄對星釭首誅間諜神機速倏破堅  
碉賊膽懍悔罪自慚形跼踖輸誠交聽語紛咙  
掟音電掣來

宮闕

大度天齊敷丹駝番樂赴棘吹簞篋濃香夾道藝蘭



注戎衣壯士弛重鎧肉袒窮首繫兩脛繡佛僅  
教收畫帳朱提不藉壓歸艘宣揚

上意干戈戢暢好軍容劍佩璫振旅還

朝春似海策勲飲至酒如瀧被之爵命桓圭一賚  
以光榮豹尾雙共識臣忠因

主聖何殊玉應與金撞敷陳雅頌鵷班序賡拜明良  
鵠立雙彩煥靈臺星歷歷

恩流太液韻淙淙巍我麟閣圖堪繪琬琰



鴻文鼎可扛

祖德無疆昭日月

慈闈有訓靜矛鉞祥呈仁壽皆懸鏡化洽都盧敢戲樟

遙拱

宸居馴職貢更修農器事耕穀條風漸秀青蔥麥穀

雨初分赤白虹溫瑟迴過鄒衍律衢尊絕勝蔡

機缸高城雪外屯師處應錫嘉名曰受降



平定金川詩

七言律六首

庶

吉

士

臣

邵齊然

極天威德震遐馭  
幃幄無勞更借籌  
已掃風煙開雪嶺  
却收旌旆下松州  
燕隨露布飛

丹鳳鶯和鏡歌  
逐紫騮回首西南青  
一髮春光直度萬山稠

峨眉橫絕指金川  
鳥道羊腸路幾千  
域外河山歸



禹服寰中日月共

堯天不矜兵力誇三捷自有

宸謀出萬全一怒安民功勒石漢家勲業陋燕然

上將胸中富甲兵登壇

授鉞命專征一軍未許驚韓信五餌何勞策賈生日

下風雷馳號令春來草木識威名

天誅更不煩擒縱白羽輕揮瘴霧清

七旬來格頌殊勲神速今還過所聞單騎宛同



唐郭令長纓不數漢終軍身先戰士廟堅壘手

挈降酋答

聖君須信英雄歸駕馭一時龍虎會風雲

面縛旌門款

聖朝征旗肅肅馬蕭蕭受降城築蓬婆遠

赦罪書頒玉壘遙塞草有情霑湛露春風無語息鳴

刁

寢門為報



慈宮喜

瓊笈金函上九霄

勲名麟閣議酬庸祀典虔修式

聖容章服千官齊策

廟梯航萬國盡班封天河淨洗初休戰金甲潛消漸  
勸農慚列駕行瞻

舜日

御煙春露著衣濃



平定金川詩

五律八首

庶

吉

士

臣

張裕榮

上相傳三捷

天威震百蠻一麾驅劍閣萬騎塞陶關時雨蘓巴徼  
陽春化雪山文鏡騰鼓吹遙聽唱刀環

蠡爾跳梁慣咆哮敢負嵎營巢盤鳥道攀樹像  
人都鼠嘯青楓壘鳴鳴白竹弧

天誅寬一歲鄭重仰



神謨

頑梗綏荒服痼瘵切在躬疲忙勞

睿慮禁旅簡元戎傳檄羌雲曙飛芻焚道通

求衣念邊璫漏永禁垣中

飛翰雄兵集銜枚渡索橋匡王歌六月伐叛問

三苗烈燄焚深箐銜梯插麗譙五旬期一舉功

蓋漢嫖姚

聖德勤威遠



慈寧篤好生

兩宮恩錫祉

三殿詔休兵  
猗犬嬉晴日長  
鯨縱大瀛  
卽徠諸父  
老扶杖有歡聲

天意哀窮寇  
將軍笑止戈  
革心投狡窟  
頓顙脫虞羅  
妙相香雲抹  
朱提細馬馱  
兩階孚異類  
威德

盛朝多

虎帳持龍節  
中朝第一人  
功收因壘速  
城築受



金史卷之八  
卷三十  
降新五等班綸閣三台衛

紫宸黑頭兼袞鉞圖畫上麒麟

袂襖佳辰過期門脫馬銜平淮回相度定虜頌

臣斌青簡書勛冊黃封飲至函

玉墀頻送喜

端冕奏雲咸



平定金川詩

倣栢梁體六十韻  
有序

庶

吉

士

臣

劉星煒

臣聞蘿圖席瑞康回消九嬰之沴昆臺闔塞濁  
野服三竿之罰夏后鈞臺之上有扈請庭成湯  
祝網之前漢陰來享非夫白狼丹犬志規荒微  
審木方竹意圖遠略可同語矣

皇上軒衡常朗虞干不試驗風受吏已合千八百國  
重譯納賁無假五十一征蠢茲金酋鼈令遺種



廩君餘孽南粵雄長屬國被躡三危險遠七旬  
頓戟

皇上特簡元臣裒集虎旅彈羽天降鋒車電馳徵則  
斧吭管敢授首戈鋌采其熾阻梯衝歷其崇岡  
遊魂假氣晷刻而已困獸罷鬪終干炎火之威  
饑鳥向人未遂析骸之請

皇上道在定功義均不殺且以斧塘鋒矧不煩秉鉞  
有虔井堙木刊非復止戈為武



命相納降有

詔撤衛是使赦過宥罪雷雨之澤自

天招攜懷遠弧矢之威萬里桐花春轉蜀道軍回班

馬嘶風鉦人息鼓淮蔡既定裴度告功獫狁于

襄召虎錫命禮也從此桃闕解甲永藏黃鳥之

旗昔嶺清塵長鎮燕然之石臣拜手稽首而作

歌曰

皇武烜赫義軒農威轢八極驅六龍象寄鞞譯咸服



從

明堂朝會鏗華鐘西南絕徼荒服重叩竹枸醬輸焚  
竇峻坂截業萬壑壅雄虺九首巨目縱諸睽不  
得安邊封蔓之不圖寧養癰鍛乃礪乃膺其胸  
高牙杖戟徒撻鉞螳臂乃敢稽

天鋒

帝咨於度時爾庸

賜以節斧酬瑤鍾羽林千里馳雲衝儵忽凌空飛丰



茸繩橋竿索懸瀧淙虎騎騰踔焱不邁殛罪行  
代臣能恭渠魁仰肱心驚怙鬼域倚伏紛距蛩  
汝張汝鼓誰發蹤妖腰樁斧喉戈春招搖大纛  
尸奸兇旌髻旄披蒙龍鉤援十二排臨衝銅  
丸倒瀉掣雷睨金鎖夜落崔嵬峯顙顙首首鳴  
伊囀碣門踞伏如緣幢惕息欲用逃戈殄相臣  
孔武麾長幢更蒐漏蟻芟辛蜂

皇帝大澤春溶溶無雷日出胥嶰容



天刀乃忍戕蟠峯番酋厥角虔給龔前導虎旅周碣  
礮壺漿夾道陳鮮醲第厥豐草芟苗松長組繫  
頸被襢裕銀鏤香象羅球共相臣宣

詔赦鞠凶班蘭房面舞且蛩鳥語格磔魚噉喙

聖澤沾濺甦溫禺邊城夜偃青狼烽錦江玉壘嬉耕  
傭山夔罔兩行不逢於鑠

皇旅定竿叩師旋二月來三冬手不缺折戮戕戲同  
人九四乘其墉饒歌鼓吹鳴笙鏞



冊功凱宴湛露濃星罕豹尾弓朱彤更獻寶鼎陳黃

琮

堯典舜典勒壁雍尺天寸地俱朝宗



[illegible]



平定金川詩

五言排律四十韻

庶

吉

士

臣圖轄布

德協三垣正衣垂四海清巍然膏覆憐蠢爾曷縱橫  
聖主爰申討元臣自請征

神謨持上策雄略寄長城驂乘金吾衛分麾太宰卿  
臨邊占豫動決勝在師貞鐵甲銀濤耀雕旂紫  
電縈鏡音騰渤碣劍影拂機槍雪淨晨光迴風  
高驛路晴馬蹄驕朔氣霜棧促嚴程赫赫



皇猷遠森森將律明珠鈴饒妙算玉帳運奇兵中壘  
鉤援捷期門結束輕桃關煙幕崖雪嶺勢崢嶸  
絡繹隨行列方圓互轉更羊腸飛組練烏道掣  
幢輶川沸狂飈驟山頽落石轟凌霄盤隼鵠伏  
穴泣鼉鼉臂弱寧當輟途窮但就烹簞壺連袂至  
匍匐望塵迎軍令惟行法

天心乃好生投人憐烏困解網念魚賴大地春溫溥  
荒陬喜氣盈除壇修盛禮泥首達微情已拜生



前惠還餘夢後驚簫笳環漢使歌舞溢香畎野  
靜雲依陣氛消月照營

宸威揚異域淑色靄前旌方聽從戎曲旋聞入塞聲  
渡瀘踰蜀相繼險陋陰平勞著三巴績階崇五  
等榮

溫綸嘉作楫

殊錫重持衡誌喜

奎章麗書勲



睿藻精丹青照化宇金石勒春巒踴躍人知感

高深物莫名百年文治煥期月武功成震疊銀虜貢

梯航越雉鳴鈞陶滋品彙和會匝寰瀛屏翰資

良輔經綸仰

至誠小臣多慶幸得與

盛朝賡



平定金川詩

七律六首

庶

吉

士

臣

吳綬詔

岷峨萬里遍

堯封尺土何勞設衛重龍武新釐丞相節魚鳧盡偃

夜郎烽丹青

皇會圖諸賤筒布巴人獻舊供楊柳旗迴鉦鼓靜錦

江花月麗春農

崇崗九坂聚蚊蟲相度于宣攘剔勤氛祲雪消



張蹕羽旌旱日麗掃欂雲早知充國平羌略絕  
勝相如諭蜀文上將行師披箐棘麟臺先為策  
殊勲

螳臂持輪因不支驚看

王旅集旌麾中行務面縻長組徵則當門坐大旗射  
雉僅傳一矢定乘墉無待七旬羈堅礪巖業摧  
梯棧雪夜曾聞哭守陴

豈果蔽野截窮鱗



帝有

恩言下

紫宸女鼓女弓干櫓伐于疆于理總陶甄尉佗表已

來南粵回紇占應見大人羽騎入闕歌耆定西

天甘雨盡

皇仁

十行

天詔揭虞千番婦番兒夾道看窮海永清唐吐谷長



金史卷三十一  
卷三十一  
纓自縛漢樓蘭范金跪奉維摩像芾草先除大  
將壇從此南人咸內屬瀘溪五月水光寒

金虎銷芒雨洗兵受降無事築三城華陽黑水  
綏荒徼大輅彤弓酬上卿

帝以成功右

文母

王垂

皇雅配韶頀車攻吉日呈饒吹不數燕然舊勒銘



平定金川詩

七言律六首

內

閣

中

書

臣

睦朝棟

聖謨文武洽重光六宇同風息劍鉞旭日正中狴蜀  
犬蠻弧斜指走天狼

廟謀宵旰勞當宇閭寄旌旄錫尚方番外遙聞先破  
膽將軍新拜郭汾陽

蠹叢拍護盡堯封路越巴郎更幾重上將風雲  
盤地軸期門雷雨集天衢塵烽直掃三千界霽



色迴看十二峯共仰

皇靈真遠播降幡歷歷豎邊墉

崇臺雲捧九旂旗臺下羣蠻匍伏時占協大人  
欣利見感深丞相信神威歸琛自貢迦維像報  
德長留新息祠

聖武即今崇不戰殊荒稽首荷天慈

軍書七日到皇都露版淋漓墨尚濡因獸豈能  
爭一關前禽真欲用三驅威加猿鳥難通域仁



育鯨鯢就死區朝野同時齊拜舞兩階重見格  
頑愚

元勲振旅觀瑤閭

三殿春深雨露香克壯其猷臣拜手無為而治

帝垂裳笙簧載錫龍光燕茅土還分豹尾揚

睿藻九天摘日月豐碑長自耀宮牆

帝有恩言相度宣跋蟻從此戴高天洗兵直挽銀河

水洽賚頻頒玉府錢



法駕上

陵修漢事告功格

廟協周篇丹青九譯圖王會寶祚長垂億萬年

平定金川方略卷三十



欽定四庫全書

平定金川方略卷三十一

藝文

平定金川歌

有序

協辦大學士吏部尚書

臣陳大受

臣聞乾司虎首執參觚以厲伐坤為龍尾拓河  
漢以包荒是以玉麟象仁金彪示義青邱搏羊  
水之克丹浦戮犬戎之孽兩虬御如軋防風之



專車八駿駢姬跣偃王之無骨或因饕餮於三  
危放槃瓠於石室雖武落丈離風披雨澆若一  
張而一弛乃三推而三解也

皇帝握旋衡而運斗秉璣鈴而振樞闢八寅以為門  
則金聲服軛包九環以合宙則石馬負圖聲靈  
烜赫震於無雷光華照臨爍於倒景月蜎含耀  
燭龍厥角惟金川莎羅奔狼卡者儋耳聾聽從  
目盲眎廩君化虎誰敢咆嗥九隆背蛟亦能赴



煥乃厲鼈令之魂欲并旄牛之種忘白狼金印之  
賜背黃龍清酒之盟雖其焦螟麼類不足以血  
天鋒龍蛇荒窟不可以營雲衛然而蠹食漸於青衣  
狼煙驚於玉壘豈可使蚩尤稽九伐之威鬼方  
厲三年之計昔惟師行宿留未即抵巇遂至賊  
醜胙肱欲圖負固

皇帝赫然震怒

簡命元臣宜社禡牙推轂餞竿



天策剛斷控

龍御而執乾符

廟算閎深肅神謀而運坤軸期門欣飛之卒超乘而  
先髯髦戴鵠之夫投石而躍爰率禁旅以先啟  
行招搖西指已彈鳳麟之洲辰星東赤遂毀蠻  
夷之廟千乘電掣萬騎雷轟挾日而馳萬里踰  
周穆七萃之軍追風而凌九折轢漢武五道之  
將赤羽青鏃翼誓天鳥之巢狡鑿蛟鎧攫綢銅



頭之獸龍淵太阿之劍

錫自尚方辟邪六駸之旗麾於南極乃有醜類惡物  
比周弗順良吉外姦阿扣內宄雖為我之臣隸  
實作賊之羽毛多魚之師誰漏定是為奸絳市  
之屍忽蘓豈非鬼蜮于是元戎甫蒞

天討遂申血已釁於螫螫首更梟乎罕蠢黜額朱殷  
飛頭不返蠻乃膽褫魄墮狼壺熊顛彼酋之體  
三分我軍之氣百倍惟時



皇帝穆然璇題玉英之中周乎熊耳雞頭之表自夜  
不寐每盡虬漏吐珠昧爽丕顯不待雞人噉旦  
地形險阻無不燭聞士卒辛勤盡皆聆睴故勝  
慮獨決於元堂而指畫合符乎萬里將相勦力  
偏校用命於是進攻昔嶺再搥巴郎飛箭連珠  
狀賴虬之拔五蚘焱車火傘若霹靂之破邱峽  
比鴛鴦之銑不翼而搏非犀象之燧無蹠而擘  
礮石交加戰碣立碎酋乃竦心北首回面內嚮



陳露犬與紈牛獻寶布與罽毳願縻長纓而遑  
巨闕銜碧玉而脫昆吾掃彼三窟之營奉我六  
事之約然而鴟鵂晝瞑雖覆而不出危巢狐貉  
性疑將擒而尚顧舊穴是以螳螂之臂已折於  
當車蹭蹬之鱗將伏而死浪

皇上體天地之心符亭育之化上德不殺神武止戈  
皇太后念西南練卒必有憚人而羌氏來朝皆吾赤子  
欲滌其舊染與之維新武攘文綏兼憐並覆



天子開蛛蝥之網而將相厲雷霆之威將鏖戮其封豕長蛇而耀靈於碧雞金馬賊酋咀義赧仁乞鄰求說迎我偏師入其重險臣鍾琪憑仗

天威克伸信義酋乃如藍旂噬如解狂醫譁譟震天扶服額地牽乘黃茲白之馬獻青瑩白玉之漿貫胸之國拔鏃知恩離身之民抱頸感德時當勞面內首之期再奉葵衣歿弓之

詔日在奎維月軌青陸雷電啓蟄之始勾芒發生之



初酉乃除道治壇降於中軍之壘相遂攝衣升  
幕麾乎羽林之軍揮斥則礮礮飛睨叱咤則豐  
隆助擊乃進銀燭黃膏出自蘭滄之水朱提白  
霧湧於珍瓏之中寶鏡金軀五獅之搏醉象星  
毫銅爪靈鷲之御飛蛟悉索其琛踞而輸欸而  
且卉服熊冠錦髻象額瓢笙鼓角鞞縷侏離莫  
不馭舌喁口踏歌連臂金麈之貴既却玉題之  
廟是崇縲兇獷以馘囚犯鋒者草薶入子女為



臣妾服隸者生歸黑齒白民踰九菌而受吏黃  
支烏弋會百濮而賓將爰索麟角之孤遂脫虎  
賁之劍爾乃

優賞崇功酬勞勲勅爵上公而服九命

錫豹尾而勒太常奏凱樂於朱鷺赤蛟鼓鐃歌於白

麟丹雁告乎

陵寢則步禹跡以觀

光欽於



慈寧則奉如徽而上

號開明堂以受朝賀

命親象以著職方

天文彪列揭七曜於辟廡

日氣煥黃駢五精於太學是則金繩瓊檢不必東崇

白環紫玉自來西極

臣忝列台衡備司

綸綍

帝猷天緯親覲耳目指麾掌握近迓



金史卷三十一  
神靈恭惟

至尊之勤勞適當萬方之凱豫

宸慮浹乎始終非羣臣所備悉

穆光動乎咫尺宜率先以作歌謹

獻鼓吹之曲用繪

乾坤之容

皇武者天門開熿流沙爍丹厓月嶠之西輿鬼維有

獸狙獠行駉駉髹脰血膊刀不剗於



皇師驅熊羆白髦虎爪參背觸屠天狼掃欃槍鯨魚  
之屍凌波僵驅不順來我降其一

禽睢盱稽

王誅趨距倚角首不鉏

皇赫怒揮金戈相受神柄厲鏑邪

皇謨內定橫天摩其二

師行萬里捷於弧矢凌蜀跨巴飛驒乎玉壘

皇神武將相厲手驅熊羆搯瘕剗誅其腹心墮肝肺昔



金史卷之八十一  
卷三十一  
嶺墮巴郎碎雷霆擘山巨礮礮

皇靈澶漫天地外 其三

蠻虜剗惟誅拔如鳥將墜羽之雷勁箭欲加礮  
翩鍛解翎脫距不可活

王師嘽嘽采且撻 其四

皇帝有命降其克奔陰以搏斡陽以噓歆戈矛歸武  
庫弓矢殫橐韃鐔鍛與殘劉各無朱殷痕束尉  
建日出西候置崑崙赦彼陸梁罪歸我素養恩



其五

相帥虎臣如虢斯闢壓於其徼利用伐斬垢不  
可濯若面之鰲毒則有蝨積豕當蓄困獸當檻  
取其鯨鯢以削天嶮其六

我有驍桀將徼外知姓名單騎入狡窟欲以長  
虢纓示以相燁濯告以

皇威明燁燁虎符節熊熊龍旂旌鵬騫石棧道金鑿  
耀日晶乞降須授首後至則以烹蠻衆咀且駭



金史卷三十一  
扼吭啗不鳴要當即縲頸敢死嬰

天兵 其七

蠻酋扶服既來但我

王旅如雷除壇張幕崔嵬白羽赤纛交麾椎髻冠以  
熊皮毳服斑斕披離獻我黃金朱提奉以寶佛

金資作廟世世祝禰

皇靈睽暢西陲 其八

金川跳跟



皇武劉即降而歸

皇所鑒將相晉爵豹尾多衣錦繡袞龍鱗嵌韜甲縉  
帶光金絨虎賁闌戟疾走颿乃考王會圖儼儼  
權扶魚復超若甕大開明堂羅旌幟格於

寢廟陳天函

慈宮上號色以誠豐碑隆碣排廊巖

帝文照耀聲泚泚歌以凱奏諧

英咸其九







平定金川歌有序

戶部尚書臣蔣溥

伏惟

皇上經文緯武纘承

列祖鴻業

卽祚以來三階正六氣調萬寓清百蠻服蠢茲金川  
地居險惡構釁隣封

允大吏請聲罪致討典兵者弗戒於事老師逾年大



學士忠勇公傅恒一秉赤誠毅然請行

詔授為經略

禡牙

賜鉞以乾隆十三年十一月之三日啓行星馳出桃

關步行天射山踐歷冰雪與士卒共勞苦皆感

奮用命至師斬渠姦推堅碕

天威丕振番酋靡言慄請降經略以其勢窮乞命不許

其請我



皇上好生之德不殺為仁

詔經略納降維時酋首莎羅奔狼卡革面革心率衆  
來軍棘稽顙聽

命經略乃宣

德音登壇受降時未七旬功收萬里乾隆十四年二  
月十四日露布至

闕凱旋

皇上論功行賞進經略公爵章服有加受



賀謁

陵告

廟尊上

皇太后徽號

御製文刻石太學傳示無窮

臣溥職司珥筆伏見

盛德大業義鬯仁翔惟

聖主能得賢臣而

誕敷遂以來格輒先忭舞上紀



鴻庥謹撰凱歌二十章以

獻

廟算親籌出萬全

臨軒授鉞為綏邊相臣矢志如金石萬里關山自請

前

益部經年孰老師

天心特簡慎機宜春風定掃蓬婆雪吉日重揚太乙

旗



世篤忠貞將相才對揚虎拜讌

瀛臺文箋露濕初賡句

武帳霜明又

賜杯

懸車東馬度青岑西指桃關積雪深天射山高  
徒步歷絕甘分少得軍心

肅將

天命劍光清姦謀先誅紀律明風聽諸番齊股栗直



教草木識威名

雷轟飛礮下礪樓昔嶺巴郎指掌收一矢天狼  
看即靖

聖人詩句憶從頭

轅門山翠直旌竿請款人來願卸鞍但使千羣  
能面縛亦須稽顙到呼韓

義育仁濡萬國風

慈寧心與



聖心同受降計日三城築上相來歸爵上公

刮耳崖邊樹色春壺漿夾道走麋麇

詔書寬大從天下正是開門請吏辰

將軍携挈二酋歸六事申明約不違

皇帝好生春浩蕩香焚樂作舞鮮衣

却獻朱提布至誠番羣羅羅拜獲更生帳前手捧

牟尼像望

闕心齋讚佛聲



上公忠勇贊吾

君露布飛馳八日

聞諸葛渡瀘曾未到而今不數七擒勲

關隴迢迢奏凱長

大清門闕照春陽七旬干羽風遐暢六月車徒甲永

藏

雷霆雨露靖邊隅

鑾陞花香舞蹈俱肅肅九賓皆脫劍恢恢王會自開



圖

豐澤園深敞

賜筵酌庸疊疊

主恩宣分將豹尾隨雲麗被得龍章近日鮮

松柏

元宮儼式憑告成受

賜福先膺歡聲父老觀扶杖

聖子



神孫此上

陵

愛日承

顏玉殿溫

鴻名表上禮崇尊要令中外知康樂

錫類皆由

聖母恩

湛湛



恩波溢蜀江蜀民煦嫗更豐庖海棠花裏已渝舞雞  
大都應樂此邦

聖製鏗鉤二雅傳岐陽鼓並澤宮鐫元和韓愈無鴻  
筆

清德巍巍億萬年

聖人心築太平基五夜焦勞萬姓知

授略元勲能祇若功成惟賴

帝為師



平定金川歌

原任禮部侍郎

臣

沈德潛

皇帝在祚至仁大武無雷月窟悉臣悉

主况大渡化林以南番酋處所久隸我置吏久賴我

鎮撫鳥獸無知侵凌邊圉蒙昧乎堯禹

一章

蠢爾小醜距超翅張恃茲礪門唱焉高岡旁殘

而種類沸羹嘶蟾始

命翦之遷延歲杪為奸頑所愚餉糜師老如螳斯逞



如兔斯狡欲逃我

天討

二章

聖人赫怒爰興師征

廟謨神武授茲忠貞集羽林簡精兵足糗糒揚麾旌  
虎牙干城丞徒增增咸統於恒恒拜受

命于

帝之訓鼓行而前山川震將卒歡呼忘行陣

三章

踰屢屨冒霜露七千里餘如跬步斬奸獍斷間



謀靡旌摩壘賊震讐將軍從天下號虎軍聲震  
天威所到賊敗逃掀其籬藩困其邊腹異圍箕張勢

迺窮蹙

四章

維彼穀麋喬嶽壓之維彼弁牙賁育摧之內絕  
餽饗矣外絕援黨矣願革面而稽顙矣經略元  
臣謂爾不棄今何戰戰前何洶洶刊爾脰臬爾

顧誓剋爾元凶

五章

捷書夜奏達於



楓宸

天子曰俞哉我威以振我兵以神唯彼既輸誠雖獸  
亦人戢馘以武柔服以恩予以不死同履君天  
庶政行喙息之輩得旉旉而姓姓元臣之報國  
曰忠

大君之好生曰仁

六章

軍門開番酋來繫頸乞命聲何哀元臣推誠心  
傳



諭旨謂

皇帝德並蓋載不孥戮爾赦爾死罪與更始番酋罷

泣聲歡喜

萬歲齊呼徹壁壘南人從此不反矣

七章

大軍旋歸于郊于墉鵷班遠迎聚觀耆童元臣

抑抑彌虛衷

帝謂綏靖唯汝庸加爵異服饗彤弓參贊旅卒胥酬

功煥



天文紀功載勒石于辟廱千萬億年昭仁武于無窮

八章



平定金川歌有序

工部侍郎臣嵇璜

皇帝御極之十有二年西蜀守臣以金川酋莎羅奔  
搆釁隣番不遵約束請致討既出師踰年功未  
奏

上乃命相臣恒往經略恒至師乃戮賊奸之在我軍  
者遂帥師攻其碣碣摧賊益失恃乞降不許  
上恤其窮蹙命恒納降班師而進恒公爵



卷三十一  
詔甫下金酋率衆稽顙軍轅以降蓋我軍之未集者  
猶在中道也十四年二月捷書

聞羣臣請

御殿受賀

上推本

慈訓敬上

皇太后徽稱以次舉行告成典禮論中外功賞

御製文勒太學傳示無窮

臣璜日侍



內廷親見

聖天子文德武功廣大神速覲揚

光烈遠邁隆古不勝踴躍懽忭謹撰凱樂歌一篇凡八百四十字以頌述

盛美於萬一

帝有九有提乾綱聲靈赫濯覃要荒戊巳都護若西域益州贊普馴番羌維番依山累石室仇池樓櫓盤羊腸蔚宗立傳紀不得高宗三年之鬼方



憑深阻峭各種落崆峒石門遠且障金川疊與  
小者構嗟爾醜類何跳踉小金川苦告邊吏

聖人得不揮戈鑲我師其西即爾壁我任我輦車牛  
糧我糧我師歲復歲醜亦喁負仍巢藏

帝心焦勞審厥罪初六不律占否臧赫斯怒矣篤我  
祐

曰咨相恒汝忠良

臨軒授鉞汝其往譙則有詩餞有觴銳師六千關城



虎慙武古通威在行賞罰用命不用命惟汝同  
德國以匡恒拜稽首曰祇若

天子庥命敢對揚時維仲冬十一月疾馳秦隴經冰  
霜方叔旂旐吹央央召虎江漢流湯湯桃關曉  
衝片片雪天射山步步高岡嘗吐調藥子挾纊  
作糜取薪行擔囊衆整戎庸秉

廟略小金川入雄趙趙賊之耳目良爾吉謬效職役  
奸而佯我軍之情洩與賊番婦表裏為昏狂親



數其罪戮以徇羣番風聽驚奔忙大營伐鼓蒞  
卡撒申令禁旅驅洋洋鉤援臨衝悉所向堅礪  
石破聲雷礮立時飛礮下昔嶺接日摩壘無巴  
郎已布雲師復鳥陣敢肆鋒矧與斧塘望風稽  
顙再三請未許肉袒迎牽羊燎毛底事烈火熾  
卷簾奚待衝廳涼俾先服心次服力遂左拔角  
右扼吭觸機落穽計無出搗巢掃穴期方將如  
天好生



皇帝德明見萬里敷春陽羽書勤省五夜達阿柄獨  
握諸臣襄

慈寧不問外朝事闕心為恤邊氓瘡敬承

懿旨

睿謨合藹然和氣

宮庭翔納降班師進恒爵酬庸懷遠惟民康

詔書尺一沛雨露番土草木回寒僵其時其酋遵我  
約迎我虎將壺盈漿入其勒歪孖之出莎羅奔



老狼卡長除道築壇相臣莅鳴螺膜拜齊焚香  
使金如粟却不受長生鑄像諸葛傍今如孟獲  
讐銅鼓昔非夜郎踞竹王願隨楷矢貢肅慎亦  
隨白雉朝越裳從而征之婉軒武待以不死軼  
漢光星馳露布九日奏一矢豈不銷天狼羣臣  
表賀

皇帝受東風凱入開明堂國人喜迎相臣至袞衣卷  
然豹尾槍宴成論賞



恩廣博解鞍萬馬嬉垂楊出禱蚩尤于大肅入銘司

勲之太常上

陵告功孝惟孝星輝雲郁福簡穰惟

謙受益却

尊號遠跨兩宋踰三唐特進

徽稱壽

文母錫類四寓同嘉祥蜀人宵眠野無警以長兒女以

耕桑番人熙熙率其業相告鄰里無搶攘仁義



之劍道德冒宰制六合承

天慶鐫功勒成

聖有作照萬萬古垂文章虞典周詩並陶鑄韓碑柳

雅豈頡頏

聖祖沙漠畫親定

世宗青海風遐昌纘緒詒異欽我

皇用編方略傳無疆形容

至治大手筆以配吉甫非臣璜



平定金川歌

有序

內閣學士

臣

劉綸

欽惟

皇帝陛下

睿聖文武

德威遐邇凡有血氣罔不在宥金川土酋莎羅奔  
者倣擾番落勤我

王師乃以穴鼠潛狐敢稽授首



皇帝念羣策之未集黷元臣之請行大選車徒

指授方略自戒塗以迄誓衆有謀而斷靡堅弗摧小

醜效魄蒲伏乞命

皇帝復緩幕府焚巢之請

沛朝廷祝網之恩納款班師中外禔福

策勲飲至神人畢懽徵諸往牒惟有虞之舞干格苗

姬文之因壘下崇庶足倫比其他鋪陳景鑠無

得而稱焉

臣綸

謹按漢世鐃吹本周禮大司馬



有功凱樂之義魏繆襲吳韋昭並沿之至唐  
岑參劉禹錫諸人或準以近體然其揚厲偉伐  
後先一揆竊不揣凡猥擬撰銑歌八章以  
獻附於瞽矇之末

睿圖應第一

六師爰發計安蠻  
服沛若時雨也

睿圖應我武揚披王會考職方征不諛提

天網檠棘路咸我堂皇我堂皇疇敢僭以忒大化  
不爾外爾乃自速殛游魂在釜焉殘息



蠲剛日第二

禮優推轂望隆秉鉞徂  
征有寄在師中吉也

蠲剛日爰

禡牙寄專閭

帝用嘉彼黑子憑幽遐爪捕同類不安厥家天梯雲  
棧徒迴斜期門飲飛魚以雅竚露布無留遮三  
軍告語歸當無及瓜

出天彭第三

馳傳兼程用抒勝算  
決幾於捷戰則克也

出天彭捫井絡星言輒舍匪種匪索爾碣手推



爾城肉薄崐岡之焰爾螢爝土囊之飈爾秋擇  
蠻髯膽一時落師行衽席人不知元戎得非天

上來

叶

俘孽豎第四

土舍良爾吉偵謀為奸至  
是伏法振軍威孤惡黨也

俘孽豎以尺組予以坐之招搖之下

叶

軍門霍

霍開齋斧蟻肺蜣肱無處所緣涯擣中虛犁庭

須一鼓惟

帝有恩言還朝眷予輔無戰



王之征止戈

聖之武

翦孤雛第五

先聲雷動番衆瓦解  
回首面內規革心也

翦孤雛之翼不足以四折窮獸之角不足以羅

三宣六慰嗟爾么膺昔狡營而獷走今爨舞而

渝歌洗兵甲斟天河金川水長不波

桴桐鼓第六

禁壇納降請以六事自  
効獻琛輸責大畏懷也

桴桐鼓聲聳聳噴空戴頭効羅拜約六事呼



萬歲睢睢盱盱舐鎗而誓朝獻狀于鴻臚夕編名于

屬吏

磨崖石第七

受成太學立石紀  
功昭茲來許也

磨崖石刊

典謨燕然銘庸足撫

日月出矣光天衢匡參游縣六符挂弓樽桑東始旦

傳檄崦嵫西未晡

升



嘉壇第八

荒微綏靖禮文樂舉  
敷文德告武成也

升

嘉壇薦

靈時惟

天

祖鑒有咫越多方頻送嘉奉

慈嶽介丕祉王公宰執卿士按冊披圖願得熙

鴻號我



皇不居曰若勲華詎哀益乎唐虞繼自今萬億年光

寶書







平定金川歌

副

都

御

史

臣

陳惠華

雕題鑿齒拱金湯  
蠢爾番酋敢跳梁  
震疊皇威齊納款  
鏡歌一路達長楊

師旅經年駐雪山  
紅崖萬里路間關  
元臣奉命趨叩笏  
早有先聲震百蠻

子月提師下益州  
闕山風雪撲羶裘  
衝寒棧道忘宵旦  
籌筆星馳古驛樓



汶水蒼茫近冉駹  
貔貅百萬擁牙幢  
令嚴刁斗  
中軍紀直欲犁庭靖蜀江

琱戈貝冑列旌旄  
豈有窮猿敢遁逃  
偵伺奸酋  
雙授首轅門初試鵬鵠刀

荆襄秦晉士如雲  
神策雄師領六軍  
駁石一聲  
寒賊膽帳前泥首百千羣

志期掃穴翦渠魁  
肆赦

恩從日下來  
小醜洗心兼革面  
望塵膜拜殷  
懽雷



游魚釜底貫餘生大渡河西

詔罷兵往矣霏霏當雨雪歸哉楊柳滿春城

閩外專征建壯猷析圭拜爵

帝恩優旌旗章服酬勲烈爭仰三公尚黑頭

振旅還朝錄大功欣從小雅賦彤弓豐碑仰睹

天章煥鳳藻龍文氣象雄

元戎絕徼捲蜚弧荒服輸誠凜

廟謨好向凌烟書姓氏韜戈寰宇盡歡呼



對揚

休命上鑒坡畔甲銷兵樂太和自此虞絃登上理明

良萬載叶賡歌



平定金川歌

有序

編

修

臣諸錦

國家當全盛之朝重熙之世海外有截悉

主悉臣蠢爾金川自作不靖延以歲月尚屬冥頑  
皇上用是震怒爰

命經略大學忠勇公臣傅恒

授以方略時惟

乾隆十三年戊辰仲冬三日飲餞興師當午日升



欽定四庫全書

平定金川方略  
卷三十一

三十一

雲物煥朗所經驛路倍站兼行濟以師武臣力  
梯雪履冰窅入其阻碎礪誅謀一戰而摧不決  
月而莎羅奔等窮無顧藉稽首膝行革面攄心  
投誠乞命我

皇上天覆地涵義正仁育逆則討之降則受之文德  
武功包荒整旅責以莎羅奔六事罔不率從

特允大學士所請奏凱虎旅懽呼里閭頂

祝是皆



廟算

天威賴及萬方有慶重以

聖母皇太后垂慈德溥無疆所謂禁虢戢奸保大定功

安民和衆豐財武有七德實見於茲臣不勝懼

忤踴躍謹作從軍樂二十四解以附於凱歌之

末用以見天保治內采薇治外彰邳隆之大化

焉

敵愾重敵愾驅我數駝



天上下神兵努力折折坡一解前頭看後頭齊戴鐵

兜牟前行連後行齊著繡襖二解千金辨鞍

馬百金裝寶刀我歌蘭陵王火伴看孟勞三解

斫却楊柳枝絲多亂人思丈夫圖麒麟決勝橫

草馳四解誰奪綠沈槍誰占碣樓營誰竊佛郎

機誰略內地兵五解誰虐爾隣番誰盜我馬匹

蠢爾抗

天朝壓境轟雷疾六解誅謀斬鯨鯢受降還服叛主將



有神機

皇猷多勝算

七解

渠魁赦不殺厥角稽首降虎帳樹

旌門番部為駿厖

八解

始去雪霏霏歸來柳濯

濯凱歌八

國門從軍古云樂

九解

莫誇李衛公高築籌邊樓

請看建生祠遠過悉怛謀

十解

莫羨武鄉侯川

有籌筆驛誰看推金首我有八陣石

十一解

回

紇莫跋扈推誠郭令公李愬具橐鞬肅揖裴晉



公十二解

往者蜀道難即今蜀道易融為日月

光海宇消兵氣

十三解

震以克鬼方豫以利行

師大有公用享无妄茂對時

十四解

卡撒具夫

馬來自刮耳崖昔為獐與豺今為楸與櫟

十五

解

牛羊滿原野皮幣堆山邱壺漿迎夾道供帳

羅前騶

十六解

蜀民鼓吹喧嬌歌與急管不數

千足羊更有萬民織

十七解

男耕亦有饒婦織

亦有裳吉甫萬邦憲南仲獫狁襄

十八解

飲至



宴太平

策勲榮

特進雙翎豹尾槍上公兼相印

十九解

閱閱書青

史

神聖勒豐碑鴻號垂無窮置郵遜德綬

二十解

皇帝授方略銜命即驅馳相臣神且武寧得久勞師

二十一解

皇帝有恩言偕朕贊昇平相臣忠且勇已事即遠征



金定已入公言  
二十二解

皇帝承

聖母愷澤復慈祥

告

廟謁

三陵顯比開明堂  
二十三解  
三皇世如春五帝時如夏

晉

祝



萬年觴樂天保天下

二十四解



欽定四庫全書

目錄  
卷三十一



平定金川歌

有序

檢

討

臣  
張 馨

皇上御極之十有三年金川土酋不靖

特命大學士忠勇公臣傅恒往討之捷伐既張受降  
而返是役也冬至出師閱次年春二月振旅膚  
功迅奏古罕匹焉薄海內外靡不仰

天威之震疊欽

帝澤之崇深胥慶交忭

臣幸際



昌期備職史館自慙譴陋未能鼓吹

休明敷揚

盛烈恭擬凱歌十二章謹拜手稽首而獻於

庭曰

河潤星輝過百年萬方綏靖荷

堯天荒隅何事興蠻觸漸說烽烟近兩川

屹屹層樓迴建碣篁深箐密路葶苈習流都藉

皮為艇懸渡還憑笮作橋



元臣銜

命出神京慷慨疆場自請行三十登壇威信著恪將

忠蓋贊

昇平

輓粟飛芻赴劔南連雲棧閣置郵驛儲胥霧集  
蠶叢外振峙渾堪埒武擔

兩翼材官擬欽飛蹶張驍捷秉神機鉤梯百丈  
身騰上練習都穿短後衣



漾日旌麾指燹駢道旁欣覩碧油幢

王師直是從天下電掣颺馳達錦江

桓桓虎旅素調嫺挾纊投醪上下間取次六師  
將雨集春風二月度桃關

戟門笳鼓鬧如雷細樂濃香夾道開弁服諸番  
齊拜舞爭看天上令公來

六事前除總悅從誓將奉職愈虔恭自茲雪嶺  
牂江畔犵鳥狔花泥露濃



鏡吹旋時春漸深  
韜藏貝冑與朱綬  
戎車纔指南人服  
并亦無煩七縱擒

耆定遐方我武揚  
翠珉百尺峙宮牆  
韓碑柳雅都寒儉

雲漢天章自煒煌

歸化城邊青海西

兩朝威德制羌氐

天兵此度綏蠻服  
共慶



豐功駿烈齊



平定金川歌

有序

內

閣

中

書

臣沈作朋

恭惟

皇帝御極海宇清寧邊隅靖謐維金川酋長恃其險  
遠侵擾羣番有稽

天討乾隆十三年冬

特命大學士忠勇公傅恒視師金酋望風投款歸誠  
向化踰月奏凱兵不血刃

微臣

載筆軍門親逢



其盛凡所目擊比事屬辭得凱歌三十六章其

辭曰

四海昇平書軌同么麼敢逞醜夷中

皇威遠不遺荒徼

方略親承屬上公

薇垣上相得勲賢圖像雲臺獨妙年吉識先傳

興誦協羣看下馬定金川

先是一馬平川及馬到功成之諺至經

略大學士馳驛

赴營果符吉兆



大散連雲入劔關輕鞍倏過百重山將軍果是

從天降萬里征程匝月間

經略大學士於棧道中亦策馬兼程而進

關前跨水架繩橋風裏垂虹影動搖

挑關外即有大川限

隔中外渡以繩橋每臨風蕩漾過者輒目眩心駭

一自王尊先叱馭烝

徒踴躍馬嘶驕

懸車束馬阻崔嵬上將偏能策杖來鳥道直飛

雙鳥度

天救納窪諸山經略大學士皆步行而過

替叢不待五丁開

電駛風馳驛路長宵燈候館檢封章更緣密勿



承

宸翰奏牘親裁達

九閭

龍虎臺高兩翼均烏魚陣整五兵陳九天九地靈

機運壁壘旌旗照眼新

忠勇公到軍移兵前駐  
整肅軍紀煥然改觀

元戎親蒞一軍驚鐵礮雲梯壓境橫磧上縱衡

諸葛陣胷中百萬范家兵

貌貅為旅虎為臣江漢飛翰擬未真更有先聲



能奪魄翦除奸黨疾如神

計誅良爾吉等

暗傳消息禍非常黠鼠妖狐肘腋藏獨屏羣疑

誅反側銛鋒真欲邁干將

井蛙漫敢抗顏行殘喘偷從兔窟藏樹幟羽林

纔及半降旗一片出巴郎

敵營宵警撼山阿送鬼番巫走疾呵

番人祈禱輒有喊聲

謂之送鬼報道

天兵雲集後碣樓占得咎徵多

番人每戰輒打卦卜吉凶自大兵到卜皆



不吉夜聞  
呼號聲

我

皇耀德不佳兵祇為綏邊事遠征伐叛懷柔須互用

頻聞

天語日先庚

吉甫忠誠見倍親曾磨盾鼻細披陳妖氛未息

身何有一點丹心向

紫宸



誓斬樓蘭答

主知蹶張爭欲效驅馳却因

天子仁恩重不願將軍似貳師

聖德包蒙量廓如孚誠渙號格豚魚狐疑頓解磨奔

息額手

天家法網疏

泥首軍門乞命艱自知負罪重如山呼邪踵接

屠邪至為覲中原碩輔顏

經略既至莎羅奔狼卡謂活佛降臨以得見



顏色為幸遂  
相率歸命

窮鳥投人夾道遮開關致館靜無譁番庭直任

行旌過鞭弭歡迎似一家

將升往來巢穴  
金酋執禮甚恭

火號機橋罷詰晨歡謠忭舞息烟塵洗兵不待  
銀河水蘭綺都隨草木春

盛夏崖冰接澗平漸吹暖律入咸英蠻方菁色

中原柳花氣氤氲兵氣清

正月晴和宛同中夏  
菁色青蔥野花雜發

崇山積雪入雲高五月瀘中向不毛我澤如春



煦絕域採將正月露紅花

正月杪將弁等從伊巢穴折碧桃花數枝

出而

崖深刮耳聽馳驅館我戎行秣我駒更喜皮船

跳玉尺

有攜金川中鮮魚至營者

攜來軍府供行廚

鼓吹香烟夾道迎願開梵宇祝長生標銅刻石  
紛誇武誰可銘恩到敵營

馬耳羊腸天外險長蛇封豕一時馴鬼方祇是  
尋常路戰略如今更入神



宵旰勤思在止戈欽承

慈旨逌休和舞階真見苗頑格始信謙冲受益多

絙懸纖路夢魂驚姦穴潛踪險亦平峻嶒空橫

矛劍狀奔濤齊和鼓笳聲

捷音萬里達

楓宸露布傳來未及旬一路歡聲雷動地旗旛過處

綵霞新

露布用絳帛大書凡八日抵京

破虜爭誇血戰功當年衛霍漫英雄何如因壘



無遺鏃共慶來蘓中外同

采芑方歌雨未濛西征馬首倏來東妖氛掃地旄頭滅寵錫承

天豹尾雄

酬庸

典禮一無私繡袞桓圭尚固辭將士惟傳勾當畢  
日邊相慶我來思

車攻六月雅詩醇鼓吹鐃歌樂府新蕩寇豐碑



隆巖巖凌烟勛績照麒麟

牙帳雲屯檄草攢柳營烟漠劔花寒書生競說  
從軍樂策馬渾忘蜀道難

蠻烟瘴雨坐穹廬領略番情到羽書豕有狼毛

鼠象鼻喜將餘事補方輿

番豕毛色如狼而黃鼠鼻下垂類象

瀛臺列坐草如茵飲至筵開酒再巡回首霏霏

推轂日還歸俱是去時人

經略大學士等賜宴豐澤園去時將

士咸集隆恩曠

典極其美咸



帝承

上帝好生心

列祖

神宗實鑒臨執馘獻俘全不用歡騰寰宇薦元音

橐鞬歸來戢甲兵憲邦文武篤忠貞邊陲無事

民番樂

主聖臣良慶太平







平定金川歌

有序

內

閣

中

書

臣

倪承寬

皇帝御極之十有四年仲春十有四日經略大學士

臣傅恒以平定金川納降獻捷

聖威遠播愷澤遐敷班師策勲爰以成功上

陵告

廟敬晉

徽號於



慈寧宮

鴻烈光昭典禮具舉廷臣咸獻歌頌以紀功德臣蒙

被

恩澤簪筆西清日以恭紀

絲綸為職業乃得敬悉

皇猷臣謹按周禮大司樂王師大獻則奏凱樂大司

馬師有功以凱樂獻於社鄭康成註兵樂曰凱  
獻功之樂也漢鐃歌朱鷺以下十八曲詞甚古



質魏晉以來亦曾擬之而其鋪張揚厲遠不逮  
古唐之鼓吹十二曲平淮西雅紀命將用師之  
艱難元和聖德詩具載聖明并包畜養之休澤  
臣弇陋無文詞語淺薄輒依韓愈指事實錄之  
意謹撰凱歌十章不敢遠追采芑常武雅音而  
於武功之成

聖主憂勤惕厲之意亦足以發揚於萬一謹稽首頓  
首撰列如左



撫運第一

彰天討也大金川為西夷蕃部僻處窮山數年  
以來併吞番衆侵擾霍耳章谷毛牛等處切近  
爐地

朝廷不得已而用兵所以綏靖邊疆寧謐區宇也  
惟

皇撫運德洽寰區仁風旁扇愷澤遐敷迓矣金川獫  
狁不恭漸擾爐地邊服逞凶因崖築壘負固崇



壙赫赫

皇猷聿猷

天討風馳電掣軍威浩浩用揚我武化以干羽柔遠  
寧邇寄茲國輔

法宮第二

大命將也

皇上以臣傅恒經略金川總統軍機偕臣班第傅爾  
丹岳鍾琪等調集陝滇各省大兵務期犁庭掃



穴迅奏膚功

法宮宵旰區畫金首決勝千里帷幄密籌

簡任福將慰西顧憂瀛臺賜宴歌鐘以餞曰惟忠誠

實荷

帝眷節制之師威義忘私堂堂正正履險如夷雲橫

棧閣雪霽關山

皇威遐暢震虜言百蠻

師之出第三



記軍行勞也經略臣恒以仲冬長至帥師出京  
衝寒遄發日行數百里將抵軍營山嶺險峻冰  
雪凍滑輒徒步登邁為士卒先

師之出日長至風雲馳熊羆整以暇忘勞瘁  
來桃關值寒洄行危橋竹索渡維元戎先徒步  
天山高疾以赴脚齒利不可駐磴稜層鑿冰作  
乘丹忱士卒暮萬峰雪如春煦

軍威振第四



恤將士也

上念冰雪冱寒師旅暴露於外命經略臣恒賁往內  
帑賞賚漢土軍士勵勉將弁踴躍前驅銳師采

入

軍威振相恒來視師氣新壁壘色煥旌旗簡練  
出傑雋祕算握神機投醪邀實惠行歌敵愾無  
苦饑頻拊循

詔雲飛來京都惻然五夜念征徒金粟厚賜賚叩首



效嵩呼懸崖峭壁上躋攀奮勇忘其軀荷戈環  
甲行勿息策勛指日翔天衢

蛩駝第五

誅賊黨也臘月二十一日經略臣恒駐小金川  
邦噶山斬良爾吉阿扣等於軍門番衆無不悅  
服

蛩駝並負隅表裏為奸邪蠶食遍蠻疆退匿險  
且遐總統承



廟算縛賊如膚履桀鰲恃無恐倏焉翦爪牙一朝揮  
天戈已斷常山蛇除惡務根本況敢留萌芽先  
聲已破膽蕃部歡迎遮整嚴兵氣盛陳雲高西  
華

量九地第六

克堅碣也經略臣恒以臘月小除日試砲山梁  
身臨險阻指示機宜即於己巳元日帥師攻打  
碣卡連日殺獲無算中旬賊屢乞降



量九地騰嶠峽山梁憑險阻軍行蹴踏聲喧囂戈  
予卷雪聽鳴鏑流鋌捷掣飛刃縱橫禽驚獸駭  
窮蹙乞命堅礪屹屹乃自穿大軍雲集一舉平  
奸宄已殲無從偵滅此朝食矢忠靖神武不殺  
我

后聖

破壘第七

稟成算也經略臣恒視師決勝料勢將從昔嶺



中峰直搗賊巢以成永靖蠻疆之計

破壘兮專攻趨昔嶺兮中峰溯馬奈兮搗刮耳  
金川恬波兮皮船艤既揚我武殷闐銅鼓密箐  
深林孰敢保聚爰據卡撒已拔黨壩番境救寧  
洽我雅化

仁恩浹第八

頌神武也正月十七日

上以金川恃險不出久苦士卒定議班師以經略大



學士臣傅恒秉心忠亮勇略超羣晉封公爵勅  
令還朝仁恩周溥上格

天心而軍營卽於此時乞降矣

仁恩浹遐哉溥百戰百勝非予武勞士卒予心  
苦恃險而驕神所惡夫豈貪有此地土

皇曰還歸我心旂收民愛民天所予乃誘其衷使就  
撫么麼弗復為首鼠

好生第九



許投誠也。莎羅奔孤窮乞命，就降。經略臣等以元凶不出，峻拒其請，嗣奉納降班師。

諭旨而莎羅奔於二月初五日帶同郎卡率衆來降，遵依六事。番夷懷德，邊徼救寧。

好生之德，欽若。

昊天無不憐覆，詎遺金川投誠哀籲乞命陳詞。

天討既申，咸赦除之。誓以六事，舊染維新，和氣蒸薰。我澤如春，蒙奇兜勒，伊盟頗頗敬獻古佛樂以。



鉦鐃爾舍爾舍爾田爾田同我大平毋恃碉堅  
師告捷第十

樂凱旋也

上以金川平定班師策勲

聖武遠揚光昭典禮

師告捷凱旋歸昔往雪霏霏今來柳依依

皇仁施絕徼宴樂歌采薇至善不戰功成巍巍讓美

弗居



長信崇徽虎賁脫劒收牙璋蠻氛肅清三辰光

紫宸端拱勅幾康安邊守土臣賢良風雨以時物繁

昌百祿是荷萬福無疆

平定金川方略卷三十一



欽定四庫全書

平定金川方略卷三十二

藝文

平定金川賦

有序

刑部尚書

臣

汪由敦

皇帝紀元乾隆之十有四年春二月金川莎羅奔郎

卡請命元戎率其徒醜匍伏軍門誓奉約束永戴

恩德號籲哀禱出於至誠經略大學士忠勇公傅恒承



制納降露布驛聞自闕廷達於康衢若臣若民同聲  
忻忻踴躍抃舞

天子曰惟

昊天

列祖相予有家詒慶襲祉且率我

文母之啓迪以集是勲也爰咨禮臣備舉慶典於時羣

公常伯鋪鴻藻申景鑠作為雅頌譜樂府饒歌

丕宣凱樂皇皇洋洋極藝苑之大觀矣臣竊惟



聖天子之盛德鴻烈焯爍絃埏臣庶罔弗共覲至於  
難燭先睹反席遲漏乾健而行自強不息與夫  
淵衷密運

睿謨神捷先機遠燭動中竅會臣等日侍

清光雖末由仰測高遠而覩記親切有非外廷所能  
具悉者謹不揆弁陋敢為古賦冀以宣述萬一  
有梁益下士咨於中樞大夫曰繫者先王經野畫疆曰  
蠻曰夷有要有荒示羈縻而不絕固荒忽而不常惟彼金



川僻界荒裔其地則絙橋索引鬱嶮巖不足版圖隸  
也其人則騰踔倏呻呶蟲蟻不足編氓字也有跳而猢如瘼  
自噬有攘而逋如竄於瘠顧迺勞銳師而事遠攻得  
無初計之未審所從與大夫曰於豈謂是哉我  
聖清之廓帝紘而恢皇綱也東燭西耀南燄北燭惠  
液浸衍旁魄配藜含生之羣縻不游原而泳沫  
何菽爾之弗率乃思逞於隣封太陽曜不能強  
矇瞍以視明和風扇不能化鵠鷁以好音今夫



桃闕以西諸番星列牙錯鱗次蜂房螳蛭其輯  
脇歸懷藉帡幪而仰維挈也非一日矣弗衛安  
庇弗翼安暨殖嘉穀者去螟螣擢良材者剪荆棘  
天戈所麾固將建威銷萌初非利土宇以恢疆  
張撻伐而校力也時則閭帥失圖老師罷衆就  
駢戮以伏辜究威柄之所用載咨心膂相維一德  
載授符節以匡以勅出飛黃於天育賚溫毳於  
尚方旌旗郅偁驛騶騰驤



天子闢閭闔禡靈旗次虎帳手御卮仿古禮之推轂  
目送其騁步於中達爾乃歷燕趙馳并晉邁咸  
泰以直指輶劍閣而徑進斯時也日在浚狼陽  
來復初風饕餮毛霜嚴裂膚元宰抒衷赤於天稟  
勵匪躬以忘軀均勞士卒分苦隸徒束驕馬以  
凌絕險涉層冰如履夷塗羌談笑而步百里賈  
餘勇其有餘然且朝拜章奏夕治軍書嘗申旦  
以廢寢復昧爽而長驅伊古之名臣良將歷選



指數胥遜謝而茂如也迨蒞和門軍律是申川  
巖為之動色壁楯為之更新狡謀伺間奔命貌  
馴數罪狀以揮刀馘妖狐以橫身凡逖聽而環  
視者莫不蹙竦驚怖睟眙而瞬眴嚙嚙王旅如  
江如潮塞雲棧跣岌蹇方厚集以揚鋒行踦屺  
而焚巢賊徒既刳腹心而落角距謂將翹足而  
隕覆也倉皇號譁無間宵晝元宰以聞

帝用惻然矜彼蒙督漸而宥之重以



聖母之慈訓憫其窮而無救也亟

詔班師曰武不可究賊方恐懼惜不知其所托命桓  
桓兵帥夙稟教令走丐更生扶服延請釋我几  
俎援我寗寗導逐徒御由黨壩而采踐其境靡  
約不從弭耳聳聽帥曰俞哉我

天子神聖固有以孚豚魚而格梟獍也用達厥恫而  
佈諸元宰乃除道築壇清壘張幕蕪薌吹螺堯  
樂間作番酋率衆成列以待元宰之至稽顙樹



頷蛾伏拜膜自陳罪惡僥脫齊斧而出鼎鑊申  
明誓之旦旦奉六條之成約昔嶺隴金川涸誓  
不渝慄祇恪載獻其琛南金滿橐瞿曇寶相獅  
象纓絡元宰宣

詔旨而示大信振

皇靈之灼爍番酋忻喜過望悔歸遲而內忤於時雲  
日開明祥和綢繆巴兒實叟咸舉手加額曰自  
有此土所未嘗睹信天人之協應而陽春之彌



決於區宇也大凱既奏式遄其歸擁豹尾之雙  
戈控紫韁之陸離晉上公之顯爵煒殊錫之歲  
蕤祭命服之加隆酬偉伐而匪私且獨不見夫  
錦江玉壘之頌德而無已者乎或忤於衢或歌  
於市如戀慈母變彼赤子香花載路企踵俟  
者延亘千里或列姓名銘蓋製衣却弗能止丞  
相祠堂並列以祀伊忠誠之感有以深入人心  
且勿謂蚩蚩者愚蓋同聲一辭謂



聖天子之知人善任使也

天子方遯釐於

昊穹歸美於

祖德於

廟於

陵寢祀祇飭王公卿尹咸思熙

鴻號以昭桓撥顧先已奉

諄誨之謙冲鬱輿情而抑默懿



聖母之慈恩普

徽稱而增福履滋保以誠民奉

璇闈之燕喜於是

御紫宸而受賀中外禔福頌明良而賡喜起摛

雲章揆

鴻筆刻琬琰紀事實典謨喬皇襲六為七告成成均

豐碑屹萃歷千萬禩胥誦

聖謨之洋洋而流



德音之秩秩必若所言棄彼度外則何以闡綏世之  
長御宏覆幬之遠量且何以發其天良俾革心  
而內嚮也又何以昭示遐邇使姦猖者知所勑  
而強梁者知德化之不可抗也如論其兵力之  
雄則羽林欽飛雲輶臨衝輕武利趾蹋壁躡空  
伊涼之健卒滇黔之選鋒索倫烏拉哭騎元戎  
莅颯卉翕趨捷鴻網器用之利則黃間赤羽開  
石貫墉應弦馬踣發必洞胸輕甲繡襦吳綿疊



重輶逾兇犀能禦火攻矧夫揚威巨礮輕裝九  
節赤堇千鈞圓爪隕颺雷礮電飛迸裂迸滅杳  
莫測其神奇亶掃迹於一瞥何堅不摧何阻不  
扶若是乎其銛利而盪軼也間小試於巴郎隰  
叩籠其半折則使中峰飛度破竹振鐸設奇謀  
之得展固將輜藉而麟輶蓋嘗執奏至於再三  
而

聖天子於解網之仁運止戈之略却逸足於中路拘



餘怒而迴薄良以攻昧而撫順予善而棄惡閭  
大造於無外柔異類而綏不若故曰天因人聖  
人因天勢如轉規謀如湧泉兵法曰全勝不鬪  
大兵無創天以阻深習昧俾茲異種得卯孕煦  
字於一方夫豈人力所能戕故力雖雄弗究其  
用器雖利節之以制戰而後服不如不戰而自  
屈也度蘭津而為他人不如伐其心而予維新  
也日凜凜乎佳兵黷武之戒而時行時止知進



知退所謂至誠如神無遠弗届其懷德畏威者  
視獻俘折馘為更倍是豈管窺蠡測所能仰逮  
者哉系曰堯曦晶兮舜風暢參巍巍兮廓蕩蕩  
世曼壽兮延景貺梁益下士乃呀然自失曰蓋  
自中和樂職宣布之詩既闕未嘗聞斯懿美今  
飲於醲和飽於醇德大夫復覺以至誼仰歎悅  
服幸哉獲邁乎斯世



平定金川賦

留館教習翰林臣莊存與

於鑠顯哉惟我

大清

列聖承乎天序儲嘉祉鴻休祐欽明濬哲重光顯緒二  
曜並其照臨六合象其覆幬恩厚周浹威武昭

融肆

皇天全付有家南踰丹穴北界空峒東冒日出西極大



蒙莫不陸讐水慄奔走而來同是以方內乂安  
黃髮眉壽目不見烽燧耳不聞介冑百年於今  
馨烈彌茂在我

聖王之御宇也體

天運遵

祖法率由

世宗之明訓虔奉

聖母之懿則九族雍雍庶民翼翼酬租庸以藏富謹憲



令以迪德惠不需時賚無虛日協氣旁流湛恩  
允塞猶復省方問俗思和求中豈伊不懷明堂  
法宮豈伊不勞沐雨櫛風慮一夫之弗獲匪逸  
豫於

皇躬爰日

清問所及幽隱畢見察部屋如堂陞撫蠻徼若畿甸  
所以兼容并包遠駕長馭懷柔區夏輯綏邊裔  
靡不策自



宸衷授之疆吏俾彼旃裘之長梯航之族稟我程律  
守我約束者罔或私逞睚眦相為敵讐干武臣  
之顏行勞士大夫之誅鋤乃梁州之蠻實曰金  
川窳窳為心鑿齒為顏憑陵醜類肆其兇頑惟  
厥種人弗忍荼毒用告無辜於守土之臣

皇帝咨爾守臣種人有辭於金川乃

命將帥爰征師旅絡繹分赴經營會合儲積供恃包  
厚被隲於是欣飛之士賁育之徒蒙盾負羽仗



鎔鄒挾僕姑而集者以萬計遂乃左導邛徕峻  
坂九折如飛如翰鱗次蟠嶮窮高極遠緣嶺探  
穴者相與布漢於邛籠之下右自岷陽二川分  
流若光若滅疾走銜枚抵間投隙鑿險絕幽者  
相與遮迺於繩橋之側爾其竄兔伏窟困獸負  
嵎陰施首鼠師漏多魚戎臣失圖以稽天誅彌  
年積日告功不時

天子閔梁益之屯戍念秦蜀之轉輸肆用威克厥愛



討一二臣之不敬厥事者簡軍實而申儆之迺  
維相臣秉丹赤貫金石協

睿謀申碩畫爰以仲冬吉日秉鉞徂征於

廟告事於

社受成王公卿尹大夫多士百吏庶民咸曰休哉  
其始也簡戎行選徒御畜之既豐練之既豫踴  
躍歡呀問召爭赴駢聞偪側營營眈眈先賞而  
抃舞未戒而輯附爾其軍容之為盛也朱甲耀



日元戎拂星青雲為戴紅蜺為纓象北落以立  
候法玉井以設屏散若連林之植立動若洪波  
之涌興總五千之勁旅屹百萬以為營相臣率  
止以先啓行踰越闕隴蒙冒霜雪褒斜劍閣之  
阻束馬懸車之塞壯夫為之却步勇士為之脇  
息而乃至忠徹神明大義動顏色履如坦道過  
如衽席斯固不陳而威名震不戰而敵氣奪者  
矣矧復淵謀內定和衷庶詢得其稔惡刈諸軍



欽定四庫全書

平定金川方略  
卷三十二

門旌旂采色雲爾以變羣酋驚視股慄而戰元  
機與秘形勢沸渭森騰雲鬱霆擊電會乃使輕  
卒銳士陟嶮巖攀砮聞登者蟻附守者雨墮擗  
盤石裂巨防夷堅礪跨連杠奪其襟要據其腹  
腸兇酋於是俯首帖耳請命於大將之麾幢相  
臣方懷敵愾務翦除猶拒而未計也

天子執神機恢大度捷伐用張德威不怒巍巍蕩蕩  
澤之以陽春雨露爰承



懿旨

詔相臣回師而還爾乃韜上將之權略敷

哲后之明恩先俾貳戎卽其巢處其垣開以不疑之  
信育以並生之寬惟時諸酋除道辟館男女以  
頌投其戈甲實其壺箚願奉信約効奔走杜侵  
略獻魁首唯命是聽而罔敢或干者以復事於  
相臣相臣總叅佐之傑幕府之賢焦爓之列驅  
虎之班駭靄鼓耀星旂鏗鉤炳煜震厲嚴肅以



升於受降之壇於斯之時和風載興洽氣旋至  
昨昨譎詭集合者數不可殫計二酋則稽顙樹  
領匍匐蟻伏以聽罪於軍吏相臣承

詔數而宥之始則駭汗戰慄營精攝魄繼乃色喜雀  
躍流沫雪泣故其馳響應聲懾威報德不崇朝  
而橫塞乎萬里之域凡我一二從征之士甲未  
及卷饌未及餐不折一矢不控一弦殿方逮乎  
褒谷旆已返乎零山有安其軀和樂且閒



天子乃考彝典策勲伐公爵是崇武衛有夷

帝曰咨恒來相

皇室念我

聖祖朔漠既寧逮我

世宗青海既平推校

聖功克配厥成肆用類祭於

郊

社獻功於



宗廟修上

陵之盛事隆

文母之顯號於是二三股肱心膂之臣思惟

聖主朝夕乾惕命將用師之艱難博思廣施柔服懷  
遠之宏大咸進而稱曰虞帝格有苗殷宗克鬼

方紀於書頌炳曜輝煌下及漢唐之君勒燕然  
伐淮夷曾不足稱乎偉業猶自侈乎夸詞矧我

天子豐功茂實曠世獨出弗究弗宣將無以昭示奕



葉使永永年代服我成烈羣臣惡焉

帝曰俞哉於是揚雅頌之聲彰謨訓之大錫恩澤之  
博廣符瑞之富遂作頌曰靈臺兮崔巍偃伯兮  
袞袞

天戈麾兮赫無外赤羽張兮集王會景星垂曜兮日  
抱戴于胥樂兮麗萬世







平定金川賦

庶

吉

士

臣

朱

珪

皇上命經略大學士忠勇公傅恒蕩平金川蠻酋既  
降乃下

明詔納款班師天包地容

德威遐播

臣謹贊述

盛烈作賦以

獻其辭曰



皇帝德濤威煊乾鑿坤甸陽以文敷陰以武挈疆外  
之醜金川恃岨毚趙狐跳以教以驕日趙月趙  
不即麀屠

皇赫斯怒命相臣恒出師於都是膺是德是月也辰  
在斗柄騰蛇相鉤指建星以為旗兮河鼓翩其  
靈旗羽林寔以累辟兮趾旬始而招蚩尤擇莆  
觶于西極兮魃首頰其若囚刷楮槍踣天狼兮  
咸怛魂泐魄蓋貽而睽睢蓋兵未觀乎原而已



咀標狡而眈螻狙也迺杖鑊邪而帶干將兮粲  
翠鷺而貂旄玉螯象鎧般其隣瑞兮

錫龍阿而佩闕鏤于是

皇帝受

命于

祖既造既禡龍旗婉俾而綵縹兮鈞天礪錡而猗那握  
神符于元堂定

天策于



扈座挈玉斗之柄執金鍾之櫛

乘輿迺御六蛟而驂八螭兮靈示繽紛而並迓

賜瓚鬯以飲餞兮黃金勺而玉掌觀元戎之啓行兮

若掣電之翕赫龍乘焱駭虎騎雷掀颼馭神驤

躡其騰躍兮羌一日而走千儵睞倩洌湯湯若

波兮殷鱗膠輶曾不可乎猱攀曳青虬赭鳥之蚺

蜺翻翊兮雖赤驥白義犇超影而不得先馳玉

壘峨岷之崆峒屹嶠兮若靈奔鬼趨厲而不顛



我軍既屯桀石揭輪蠻獠錯愕褫精亡魂外雖  
犄角中如悞焚爾其叩嵎九折弄棟八灘虎臂  
羊腸馬搏牛顫赤水燭赭以吐丹金繩刻屈而  
蠡斷鉤蛇剋燠其尾捎兮薊荏拉颯而射鬼彈  
灰野青赤其爛光兮雪嶺冬夏而閉霰屹三峽  
五岼之碕磨兮扶飛蠅而蹶狡獪故其溪猺洞  
蜚譎詭獫狁魚刀劖石毒鋼飲牛腰弩偏架足  
張手樞駢脇束麻絡馬當鑣巢居干欄鼓角吹



卷三十二  
嘔巨鼻象飲鑿齒飛頭漆肝火蹠頰眶碧眸赤  
穴變化乎素虎九龍儵忽乎螺蚘蝨蠕蠕若  
豸若虺若魍若魍者自以窟乎絕險而不知

王師之劉之也迺敦中壘於巖嵌兮環千營而若墉  
前赤燄而後天黿兮駢星辰而列行流雄旄以  
虹燭兮曳彗星之飛芒建金鈴之大戟兮戈鋌  
森其若霜蒼頭彪髯腰豪曹而首雕鷗兮顛盛  
暝而未將飛鳧電影羽赤白而淬鏃兮厲衝飈



而怒翔伙飛之倫超獬豸而都盧兮頰敵魁而  
血寇吭

皇威燁燁我武洸洸蠢愚苗民命顛于阮爰有邦沟  
間于我師中訶外漏為賊之媒

皇帝有命相鋪厥威搏戮賊謀如箝羸麤青衣之竹  
既磔鹽水之蟲不歸手格槃瓠之瘕生拔髦牛  
之髦莫不齧鯨於椹質懲慄乎剗剗是時

皇帝臨乎



帝車五潢之舍太微三光之廷旭爾

天緯霽然星旋若斗杓運于中央殷北極而周八紘  
迪昧爽之丕顯同達旦而不寢

明登天而瞭矚

聰屬地而睎聆故發聲乎紫宮而濯靈乎西清相臣  
將臣莫不用

命于是軍動雷驤師次昔嶺火龍金汁礪礮轟霆連  
珠走戟炎傘掣景猶焦魑爛飛銷鑠磳狀披輪



拔軸殷其膠捩兮半駘若而擘開駢五山之峯  
嶺兮乍殺魑而相廝武擔鑱天而訇圻兮石筍  
捎雲而軋推臼磕礪礪兮若蠻丁厲而崔巍隕  
煽爍爍夷兮若積薪燒而兵蘭灰烈缺礪礪吐  
鞭交緋豐隆霹靂鬱律兔礪駭若天剷神揃而  
亡其嵯峨也蠻酋震驚豎其降旗懾我之旅赤  
蘇白麾克奔于師以厥俘來跋舌轂音覩縷侏  
離潘磧垢而湔硤肝脾陳其犛牛豪羊瑟瑟碧



璣錦疊朱罽翠羽文犀焜耀搞燭麗靡威蕤桓  
桓我軍勃怒未息方將架阻抵噉馘大憝而獮  
蒐慝匪拊其背乃搯其噬齧鳳喙之膠弓手虎  
爪之玉鉞髯攬字而觀鯨鯢繕招搖而怒賁育  
若天鳥之覆巢乃獶狘而將哲鹿奔兔投如狄  
如獲懼厥罪之不遑終剗剗而齟齬

天兵鱗其鋪敦兮欲乞生而不得於是

皇帝拓帡包之度霈煦嫗之仁捷逆賴順刷陳濯新



奉

皇太后命詢于百憲若于兆人既庭既班亦莫不馴乃命相臣降其璽螭以解綬而息民也

天熙其生臣厲厥伐欲拔枿椿而斲株檠蠻乃怵惕不敢回遁奉我梟師厭於其嶠獻黑羊之白血刺赭馬之青血犂牛之湏瀏若川兮珠澤之酒縻胃而滑枕柳百載食馬千匹崩角膜拜踞而戰慄彼酋既歟



天詔乃莅除崇壇以隱天張赤帟而爛霽控蔥嶺而  
西毳髯刮辰溪而南雕鏃莎羅奔狼卡頸徽肉  
袒首歸乎七萃經略爰歷升乎罽幕而收其草  
蔡金髮之甲晶光耀暎狡狴之胄凌兢敕月鯨  
鰲璘其方騰鵬鷖淬其欲剗鵠尾之箭善剗燕  
角之弧將彈罔不鱗簇羽攢充魚箴而裂鞘鞋  
於是雕題漆齒之戎駢胸交趾之羌冠以熊皮  
虎尾耳垂金鉤玉璫鏐環約臂鐵釧繫肱十尾



結髻刻身像龍犀帶雕鏤象額銀裝赤幘戴獼  
毼毼麋章青幘白眊離乎屈虹班紕笔玼爛乎  
錦江曳蘭干之締紵披梧桐之華英斑蘭擣繡  
灼爍乎芙蓉爾其精夫渠魁扶服顛穢珍奇靈  
傀怍敬遠徠則有茵鶴短狗龍角神龜皋羊獮  
獮翡翠毼鷄金馬荒忽其騰耀碧雞影影而扇  
翬扶拔羈馭而羸喬師子髻髻以之而文翰絕  
雲以振彩鵲鷄比翼而交擇茲白尊耳鼯犬星



施羖羊五角奇鹿兩頭飲獻白鵠之血羽用孔  
鳥之影從目黑齒鼓鐘若牛磬西南之瑰琬若  
相招而畢投乃羅淫浦之萬鳧進朱提以千流  
奉迦維之寶相獻摩竭之金軀若舍身於龍象  
亘世世而不渝相臣布

皇帝命納粟而却紫鏐賚以

天錫聿開珠螭蠻乃炙義濡德作廟於厥虛踏歌拊

蹈以慶



天子而祝公侯也既遏負固奚振我旅竄饗饗於魑  
魅卧虎責之于櫓

皇帝命恒汝劼孔茂錫汝桓圭予毗予輔神旗豹尾  
赧赫婀娜前後所

賜既廣既厚凡厥勲士亦無不與於是饒歌吹凱樂  
作歌曰

皇靈燁兮天中環星野兮既同西月嶠兮東明緱八  
索兮在綱蠻之狡兮既僵



皇仁沛兮不兵燹四海兮賓將彤弓既橐飲至有醕

協於桯楫告於

郊

廟謁

陵寢而耿

烈光奉

慈宮而上

尊號措挺笏於明堂勒隆碣於太學龍彪賁乎



天文日月離乎華昭岫嶺之碑無所誇其青赤兮陽  
虛之石曾不得批夫景曜增職方之版圖辨王  
會之見頽垣

神武而不殺儼包荒于覆幬南煢丹水之朱殷北燭  
燭龍之蜺蜺西煢若木之灼光東焜十日之爍  
耀下崢嶸而豐融上嶠郭而金猷蓋

皇德被于無垠奚啻偁實熨而息荒微也哉乃作頌

曰



於鑠

皇師彪光煩兮漫乎天還淳若淵兮驂龍駢離潭淳

淳兮焱騰琴厲靈無厓兮幪如憐悵張黃紘兮

嗷嗷羣生侯不靜兮湛我

皇德澹裔裔兮既濯而濡民之墜兮格于

寢廟曜精饗兮惟

皇之純慶無疆兮

平定金川方略卷三十二